

TEZAU LITURGIC

17 IULIE

ACATISTUL SF. MARI MUCENIȚE MARINA DE LA ANTIOHIA PISIDIEI



MOSCOVA, 2000



Акафист

СВЯТОЙ ВЕЛИКОМУЧЕНИЦЕ

Марине

Кондак 1

Избранней Богом от языческаго рода, премудрой невесте Христовой, града Антиохии заступнице небесней, благодарственная воспоем ти, молитвенницы твоей, святая и многострадальная великомученице Марино. Ты же, имущи дерзновение ко Господу, от всяких бед, зол и болезней свободдай нас, с любовью зовущих:

Радуйся, великомученице Марино, невесто Христова всехвальная.

Икос 1

Ангелов Творец, ведый благое произволение твое, святая мученице, яви ты за веру Христову непобедиму страстотерпицу. Ты бо добротой телесе и красотой души просияла еси в дому отца твоего идолослужителя, обаче, светом благодати просвещенная, веру истинную

позна́ла еси́, оте́ческое нече́стие отринувши. Мы́ же, дивя́щися тако́му о тебѣ́ Бо́жию смотре́нию, во умиле́нии серде́ц зове́м ти́:

Ра́дуйся, отрокови́це, Бо́гом избра́нная; ра́дуйся, от ю́ности добродете́льным жити́ем украше́нная.

Ра́дуйся, измла́да суету́ жи́зни земны́я презре́вшая; ра́дуйся, и́стинную му́дрость возлюбив́шая.

Ра́дуйся, кри́не де́вства, посреде́ те́рния язы́ческаго возвраще́нная; ра́дуйся, от ма́лых ле́т благода́тию свы́ше осене́нная.

Ра́дуйся, свято́е целому́дрие и де́вство добре сохра́нившая; ра́дуйся, во о́браз христиа́нским де́вам свы́ше прона́рече́нная.

Ра́дуйся, Христа́ все́м се́рдцем возлюбив́шая; ра́дуйся, во́льная страда́ния за и́мя Его́ претерпе́вшая.

Ра́дуйся, Це́ркве Правосла́вныя пресвѣ́тлое украше́ние; ра́дуйся, я́ко и́мя твоѐ во все́м ми́ре христиа́нством прославля́ется.

Ра́дуйся, вели́комучени́це Мари́но, невесто́ Христо́ва всехва́льная.

Кондак 2

Ви́дя благоле́пие лица́ твоего́, лю́дие дивля́хуся, не ве́дяще красото́й души́ твое́й. Ты́ же, свята́я де́во, ми́ра многомяте́жие отве́ргши, к го́рнему возвела́ еси́ ум тво́й и возжелела́ еси́ венце́м му́ченическим украси́тися от возлю́бленнаго тобо́ю Жениха́ Христа́, воспева́ющи Ему́ ра́достно пе́снь: Аллилу́ия.

Икос 2

Ра́зум тво́й, не просвеще́н е́ще свята́м креще́нием, свята́я Мари́но, просвети́ Госпо́дь, науча́я тя сла́вити Еди́наго и И́стиннаго Бо́га, нечестивы́й же роди́тель тво́й отрече́ся от тебе́, но не возмо́же отторгну́ти от ве́ры и́стинныя, в не́йже ты́ непоколеби́ма пребы́вала еси́. Те́мже и на́с в добродете́лех ве́ры и любве́ укрепи́, зову́щих ти́:

Ра́дуйся, нра́в а́нгельский от младе́нчества стяжавша́я; ра́дуйся, от ю́ности всю́ себе́ Бо́гу преда́вшая.

Ра́дуйся, благоуха́ние добродете́лей от ю́ности возлюбивша́я; ра́дуйся, красото́ю души́ и телесе́ мно́гих удививша́я.

Ра́дуйся, де́вственнице, ю́ным де́вам
незри́мая помо́щнице; ра́дуйся, ро́да
христиа́нского украше́ние.

Ра́дуйся, и́стины Ца́рствия Бо́жия
уразуме́вшая; ра́дуйся, свы́ше избра́нная на
по́двиг испове́дания Христа́.

Ра́дуйся, благоче́стие в себѣ воспита́вшая;
ра́дуйся, идо́льского служе́ния прелесть
обличив́шая.

Ра́дуйся, блаже́нная, земны́м отце́м за ве́ру
Христо́ву гони́мая; ра́дуйся, Небе́снаго Отца́
дщи́ честна́я.

Ра́дуйся, великомученице Мари́но, невесто
Христо́ва всехва́льная.

Конда́к 3

Си́лою свы́ше препоя́санная, возмогла́ еси́
победи́ти искуше́ние, егда́ гоните́ль христиа́н
епа́рх Оли́мврий удиви́ся красоте́ твоёй и
возжела́ взята́ тя в жены́, словесы́
ласка́тельными убежда́я тя принести́ же́ртву
и́долом. Ты́ же, сла́ву ми́ра сего́ презре́вши,
испове́дала еси́ себе́ христиа́нку и отве́ргла еси́
жениха́ земна́го, Жениха́ безсме́ртнаго,
Жизнода́вца Христа́, взыску́ючи. Таковому́

дерзновѣнію твоѣму дивящеся, воспоѣм
укрепѣвшему тя Господу пѣснь: Аллилуія.

И́кос 3

Иму́щи в се́рдце своѣм твёрдую ве́ру во Христа́,
яко овча́ на заколе́ние, привелася еси́
мучительскому суди́щу, Мари́но пресла́вная,
иде́же дерзновѣнно Вседержителя́ всех Бо́га
проповѣдала еси́ пред наро́дом и, си́лою
Божѣственною укрепля́ема, судѣй нечестивых
посрами́ла еси́. Приими́ убо от любве́ нашея
приносимы́я тебѣ похвалы́:

Ра́дуйся, многобо́жия ле́сть обличившая;
ра́дуйся, и́стинныя ве́ры поборо́нице.

Ра́дуйся, от ю́ности идолослужѣние
презрѣвшая; ра́дуйся, и́стинное богопочита́ние
да́же до сме́рти возлюбившая.

Ра́дуйся, кроме́ Небе́снаго ино́го жениха́
знати не восхотѣвшая; ра́дуйся, соблю́дшая
чистоту́ де́вства твоего́.

Ра́дуйся, замы́слы мучителя́ твоего́ Оли́мврия
разсе́явшая; ра́дуйся, гне́ва его́ не убо́явшаяся.

Ра́дуйся, голуби́це кро́ткая и страда́лице
Христа́ ра́ди; ра́дуйся, Сы́ном Бо́жиим

призванная в чудный свет веры и благодати Его.

Радуйся, добродетельным житием своим сосуд Духа Святаго соделавшаяся; радуйся, звездó светозарная, во Антиохии Богом возжженная.

Радуйся, великомученице Марино, невесто Христова всехвальная.

Кондак 4

Бурею ярости одержим, безумный мучитель повеле тело твоё лютым мукам предати, тогда оружие врага изнеможе и кровью твоими земля освятися. Ты же, доблественне претерпевши муки злыя, взираючи на воздаяние будущее и возмогаючи вся о Господе, со умилением зывала еси укрепившему тя Христу Богу: Аллилуия.

Икос 4

Слышав от тебе нечестивый мучитель мужественное исповедание веры Христовы, заключи тя в темницу, идеже сам князь тьмы во образе змия явися, хотя устрашити тя. Ты же, дево чистая, непобедимою силою Креста укрепляемая, ополчение самаго диавола отразила еси и благодать прияла еси отгоняти

ду́хи нечи́стыя и си́лу вра́жию сокруша́ти. Сего́ ра́ди и мы́, слы́шавше, ка́ко посрами́ся диа́вол, от де́вы побежда́ем, ра́достно вопи́ем ти́ си́це:

Ра́дуйся, непра́ведному суди́щи дерзнове́нно предста́вшая; ра́дуйся, христи́анку себе́ испове́давшая.

Ра́дуйся, всемо́щную си́лу благода́ти Христо́вы позна́вшая; ра́дуйся, зло́бы невер́ных не устраши́вшаяся.

Ра́дуйся, свята́я де́во, мучи́телей свои́х посрамив́шая; ра́дуйся, па́че си́льных муже́й крепча́йшая.

Ра́дуйся, темни́чное заклю́чение Христа́ ра́ди претерпе́вшая; ра́дуйся, си́лою Креста́ главу́ диа́вола сокруши́вшая.

Ра́дуйся, во плóти су́щи, безплóтнаго врага́ попра́вшая; ра́дуйся, ко́зней диа́вола победите́льнице.

Ра́дуйся, и́стинная Христо́вых Страсте́й прича́стнице; ра́дуйся, я́ко мзда́ твоя́ мно́га на Небесе́х.

Ра́дуйся, великомучени́це Мари́но, невесто́ Христо́ва всехва́льная.

Кондак 5

Боготечней звездѣ подобна была еси, Марино, егда, в темнице заключенная, ликующе славословила еси Христа, Жениха своего. Сего ради удостои тя Господь дивнаго видения Креста и голубицы и исцели тя от всех ран, радость даруя и на новый подвиг укрепляя. Темже молим: уврачуи раны греховныя всех любовью чтущих тя и воспевающих Богу: Аллилуия.

Икос 5

Видя епарх Олимпврий святую Марину, изведену из темницы, здраву и светлу, разъярися злобою и паки предаде ю на муки, повелев пригвоздiti на древе и свещами горящими палiti тело ея. Обаче огонь вещественный не возможе изнурiti тя, святая отроковице, огнем бо любви Божественныя озаряема и трием отроком подобящися, попрала еси огонь сей. Темже нестерпимаго огня вечнаго избави всех чтущих тя и воспевающих тако:

Радуйся, кровию своею торжество веры истинныя утвердившая; радуйся, яко Сам Господь свыше призре на твоя страдания.

Ра́дуйся, в темни́це дивна́го видѣ́ния
сподо́бившаяся; ра́дуйся, че́стный Крѣ́ст
Го́спода твоего́ узрѣ́шая.

Ра́дуйся, я́звы Христо́вы на теле́ твоём
носи́вшая; ра́дуйся, от все́х я́зв тѣх Го́сподем
исцелѣ́нная.

Ра́дуйся, на по́двиг мучени́чества свѣ́ше
укреплѣ́нная; ра́дуйся, Боже́ственным свѣ́том
осия́нная.

Ра́дуйся, огнёмъ земнымъ Христа́ ради
опалѣ́нная; ра́дуйся, Боже́ственным огнёмъ
се́рдца на́ша возжигáющая.

Ра́дуйся, велиа́ра люта́го победив́шая;
ра́дуйся, я́ко си́лы адскія́ трепещу́т сла́вы твоея́.

Ра́дуйся, великомучени́це Мари́но, невесто́
Христо́ва всехва́льная.

Конда́к 6

Проповѣ́дница чудесъ и сла́вы Бо́жия яви́лася
еси́, великомучени́це Мари́но, егда́ вверже́ тя в
во́ду мучи́тель, повеле́в утопи́ти тя связа́ну.
Тогда́ дарова́ Госпо́дь зна́мение все́му наро́ду:
возсия́ над главо́ю мучени́цы свѣ́т несказáнный,
яви́ся сто́лп о́гненный с кресто́м и бе́лая
голуби́ца с венце́м златымъ. И бы́сть гла́с свѣ́ше,

глаго́ляй: ми́р тебе́, неvéсто Христо́ва Мари́но, ны́не же при́имеши вене́ц неувяда́емый от руки́ Господни́ и почи́ши в Ца́рствии Небё́сном. Сего́ ра́ди мы́ прославля́ем Бо́га, да́вшего тебе́ благода́ть тако́вую, и поём́ Ему́: Аллилу́ия.

И́кос 6

Возсия́ла еси́, я́ко светоза́рная звезда́, и Божё́ственною благода́тию отгна́ла еси́ многобо́жия тьму́, свята́я Мари́но, просвети́вши мно́гия лю́ди, и́же видеша́ чудеса́ Бо́жия, на тебе́ явлённая; тогда́ вели́кое мно́жество мужей́ и жён уве́риваша во Христа́ и мучени́ческую кончи́ну прия́ша, крестя́щися кро́вию своёю. Просвети́ и нас, о Мари́но, омраче́нных мгло́ю грехо́вною, и све́том невече́рним озари́ ты́ сла́вящих и пою́щих ти́ тако́вая:

Ра́дуйся, в страда́ниях, я́ко зла́то в горни́ле, очи́стившаяся; ра́дуйся, тверде́йшая адама́нта в терпе́нии твоём́ показавшаяся.

Ра́дуйся, язы́ческое служе́ние попра́вшая; ра́дуйся, си́лу Бо́жию пред нечестивы́ми пропове́довавшая.

Ра́дуйся, све́том Божё́ственным ду́ши собравшихся озари́вшая; ра́дуйся, к ве́ре и́стинней мно́гих приве́дшая.

Ра́дуйся, предивная побóрнице вéры Христо́вы; ра́дуйся, путево́дная звездó все́м и́щущим спасéния.

Ра́дуйся, страда́нии свои́ми ко Христу́ люде́й возводя́щая; ра́дуйся, чуде́с Его́ пропове́днице.

Ра́дуйся, огнём ре́вности по сла́ве Бо́жией горéвшая; ра́дуйся, непоро́чная голу́бице, возлетéвшая в Небе́сныя оби́тели.

Ра́дуйся, великомученице Мари́но, неvéсто Христо́ва всехва́льная.

Конда́к 7

Хотя́щим на́м просла́вите по́двиги твоя́ и чуде́са, великомученице пресла́вная, воспомина́ем слова́ псалмопе́вца, и́же дрéвле, Ду́хом Господни́м озаре́нный, проро́чески поя́ше: проидо́хом сквозе́ о́гнь и во́ду, и извёл еси́ ны́ в поко́й. Ты́ же, свята́я Мари́но, де́лом сиé испо́лнила еси́, я́ко огнём и водо́ю искуше́на была́ еси́, и, врага́ невидимаго порази́вши, вошла́ еси́ в черто́г Небе́сный со Хри́стом, Жени́хом твои́м, пою́щи Ему́: Аллилу́ия.

И́кос 7

Я́ко но́вое свети́ло на твёрди небе́сней, возсия́ла еси́ все́му хри́стиа́нскому́ ро́ду, свята́я

страдалице Марино, егда, во главу усеченная, душу свою предала еси Христу, Жениху твоему. Темже мы, благоговейне воспоминающе страдания и подвиги твоя, с любовью зовем ти сице:

Радуйся, веру, надежду и любовь до конца сохранившая; радуйся, смерти телесныя не устрашившаяся.

Радуйся, радостно за Главу Церкви, Христа, под меч главу свою приклонившая; радуйся, венец славы из рук Господа принявшая.

Радуйся, яко, мучения твоя зряще, множество людей к Богу обратишася; радуйся, твоя бо кончина просвети умы помраченные.

Радуйся, сквозь огонь и воду мучений в покой небесный вшедшая; радуйся, струй милости верным изливающая.

Радуйся, во успении твоём многая и великая чудеса сотворшая; радуйся, цветом неувядаемым украшенная на Небеси.

Радуйся, премудрая евангельская дево, светильник горящий имущая; радуйся, к мученическому воинству сопричтенная.

Ра́дуйся, великомученице Мари́но, неvéсто Христо́ва всехва́льная.

Конда́к 8

Стра́нствие земно́е соверши́вши и пу́ть му́ченический проше́дши, страстоте́рпице свята́я Мари́но, водвори́лася еси́ в Ца́рстве Све́та, обаче лю́ди, с любо́вию тебе́ моля́щаяся, не оста́вила еси́, прия́ла бо еси́ благода́ть побежда́ти врага́ ро́да челове́ческаго и мно́гия недуги́ ду́ш и телес на́ших врачевати́. Те́мже благодарно́ тя сла́вим и Бо́гу, тя́ возвели́чившему, поём а́нгельскую пе́снь: Аллилу́ия.

И́кос 8

Вся́ Небе́сныя си́лы возра́довашася, воспева́юще Бо́га, дарова́вшаго тебе́, свята́я Мари́но, таково́е му́жество и непоколебиму́ю твёрдость во испове́дании ве́ры Христо́вы. Те́м и по сме́рти честное́ тело́ твоё, нетле́нно сохранённое, положено́ бы́сть Бо́жиим изволе́нием во гра́де Антиохии́, источа́юще оби́лие чудес с ве́рою к твоёму́ заступле́нию прибега́ющим и моли́твенно тебе́ взыва́ющим:

Ра́дуйся, нетле́нием мо́щей сла́вно от Бо́га
возвели́ченная; ра́дуйся, я́ко мо́щей твои́х
де́мони трепе́щут.

Ра́дуйся, я́ко честны́я мо́щи твоя́ во гра́де
Антиохии́ мно́гими чуде́сы просла́вишася;
ра́дуйся, те́ми бо и вели́кий Царьгра́д освяти́ся.

Ра́дуйся, я́ко честны́я мо́щи твоя́ доны́не
Госпо́дь сохрани́ в земли́ Итали́йстей; ра́дуйся,
я́ко благоволи́ Бо́г пренести́ десни́цу твою́ на
Святу́ю Го́ру Афо́нскую.

Ра́дуйся, все́х правосла́вных христиа́н
засту́пнице; ра́дуйся, ра́дости на́м и благода́ти
вече́ныя ходата́ице.

Ра́дуйся, пресла́вная чудотво́рице; ра́дуйся,
огне́м моли́твы стрéлы вра́жия попада́ющая.

Ра́дуйся, бе́ды и печа́ли от любя́щих тя́
отгоня́ющая; ра́дуйся, все́м призыва́ющим тя́
ско́рую по́мощь пода́ющая.

Ра́дуйся, вели́комучени́це Мари́но, неве́сто
Христо́ва всехва́льная.

Конда́к 9

Все́и право́вернии лю́дие росси́йстии
пропове́дуют благода́тную твою́ по́мощь стране́
на́шей, от ле́т бо дре́вних и до ны́не отцы́ и

ма́тери нарека́ют и́менем твои́м дщере́й свои́х, и
ли́ка твоего́ изображе́ния чуде́сы просла́вишася
в це́рквах на́ших. Те́мже тя́ по до́лгу
ублажа́юще, поём тобо́ю чуде́действующему
Бо́гу: Аллилу́ия.

И́кос 9

Вети́и ми́ра сего́ не возмо́гут по досто́янию
восхва́лити страда́ния и добродете́ли твоя́,
великомученице Ма́рино. Те́мже и мы́,
недосто́йнии, воспéти жела́юще Влады́ку и
Жизнода́вца, да́вшего тебе́ крэ́пость сама́го
диаво́ла не убо́ятися и мучи́телей победи́ти,
мо́лим тя́, при́зри на си́е въздыха́ние серде́ц
на́ших и неотсту́пна бу́ди на́м помо́щница, вся́
благая́ да́рующи предста́тельством твои́м все́м
пою́щим тебе́ та́ко:

Ра́дуйся, де́во, райскою красото́ю сия́ющая;
ра́дуйся, ли́лие благоуха́нная, благода́тию
Бо́жиею возвраще́нная.

Ра́дуйся, страсоте́рпице, вся́ узы́ и се́ти
врага́ растерза́вшая; ра́дуйся, ма́слино
благопло́дная, еле́й ми́лости оби́льно на́м
источа́ющая.

Ра́дуйся, хра́ме непоро́чности и чистоты́;
ра́дуйся, о спасе́нии грешных те́плая хода́таице
у Отца́ Небе́снаго.

Ра́дуйся, су́щим в темни́цах и у́зах
уте́шительнице; ра́дуйся, лю́дем, за Христа́
пострада́вшим, пу́ть к Не́бу показав́шая.

Ра́дуйся, на ду́хи нечи́стыя вла́сть от Го́спода
прие́мшая; ра́дуйся, в напа́стех вра́жиих ко
Христу́ Бо́гу прибега́ти нас науча́ющая.

Ра́дуйся, неду́гов лю́тых прогоните́льнице;
ра́дуйся, боле́зней неисце́льных целите́льнице.

Ра́дуйся, великомуче́нице Мари́но, невесто
Христо́ва всехва́льная.

Конда́к 10

Спасти́ хотя́ все́х, благоизво́ли Госпо́дь святы́я
мо́щи твоя́, великомуче́нице Мари́но, сохра́нити
во утеше́ние все́м ве́рным, я́ко, от Восто́ка
возсия́вши, ны́не в страна́х За́пада
просвеща́еши все́х чту́щих тя́ и припада́ющих к
цельбоно́сным мо́щем твои́м, да твои́ми чудесы́
и моли́твами пробужда́ются лю́дие от жи́зни
грехо́вныя к жи́зни святе́й, воспева́юще Творцу́
своему́ и Бо́гу: Аллилу́ия.

И́кос 10

Сте́ною моли́тв твои́х, вели́комученице Мари́но, сохра́няй страну́ на́шу Росси́йскую, и вся́ ве́рныя, в не́й живу́щия и подви́зающияся, путе́м пра́вым во Ца́рствие Небе́сное руководи́, зане́ даде́ся тебе́ благода́ть моли́тися о лю́дех правосла́вных не то́кмо зе́мли Гре́ческаго, но и во все́х страна́х христиа́нских. Сего́ ра́ди и от на́с с любóвию приносíмое благода́рное славосло́вие приими́:

Ра́дуйся, я́ко тобо́ю и́мя Христо́во в ми́ре прославля́ется; ра́дуйся, я́ко тобо́ю ве́рнии бла́г ве́чных сподобля́ются.

Ра́дуйся, се́ бо А́нгели с тобо́ю лику́ют на Небеси́; ра́дуйся, я́ко и челове́цы восхваля́ют тя́ на земли́.

Ра́дуйся, все́х правосла́вных на пу́ть спасе́ния направля́ющая; ра́дуйся, грешных на покая́ние наставля́ющая.

Ра́дуйся, от люде́й росси́йских с любóвию прославля́емая; ра́дуйся, о стране́ на́шей пред Бо́гом и Пресвято́ю Богоро́дицею ходата́ице.

Ра́дуйся, де́вам и жена́м росси́йским помо́щнице ми́лостивая богодарова́нная;

ра́дуйся, о́ всѣхъ лю́дехъ землі́ на́шея
моли́твеннице усѣ́рдная.

Ра́дуйся, лю́бящимъ тя́ свято́ю лю́бовію
воздаю́щая; ра́дуйся, с Цари́цею Небесе́ и землі́
о́ всѣмъ ми́ре моля́щаяся.

Ра́дуйся, вели́комученице Мари́но, неvéсто
Христо́ва всехва́льная.

Конда́к 11

Пе́ние Еди́ному и И́стинному Бо́гу принесла́ еси́,
Мари́но, не то́чию сло́вом, но во́льнымъ себѣ́ в
же́ртву при́несѣнием; подража́юще бо
распя́тому за ны́ Христу́, положи́ла еси́ ду́шу
свою́ за ве́ру и́стинную и возлете́ла еси́, я́ко
голуби́ца, во оби́тели Небе́сныхъ крила́ми чистоты́
и любве́ Божѣ́ственныхъ. Ны́не же со А́нгелы и
все́ми святы́ми ра́дующися, воспева́еши
Человеколю́бцу Бо́гу побѣ́дную пе́снь: Аллилу́ия.

И́кос 11

Воссия́вши на́м, я́ко звезда́ многосвѣ́тлая, мра́к
де́монский тво́ими моли́твами отгоня́еши,
свята́я вели́комученице Мари́но; те́мже мо́лимъ
ти́ ся: омраче́нная страстьми́ сердца́ на́ша
просвети́ и благода́ть Божѣ́ственную пода́ждь,
испроси́ на́м грехо́в оста́вление у

Всеми́лостиваго Бо́га, я́ко да ве́рою, ра́достью
духо́вною и лю́бовию зове́м ти́:

Ра́дуйся, Це́ркве Христо́вы пресве́тлая звездо́;
ра́дуйся, свети́льниче, ми́р озаря́й.

Ра́дуйся, в немерца́ющем све́те душе́ю
пребыва́ющая; ра́дуйся, я́ко па́че луче́й
со́лнечных благода́тию просия́ла еси́.

Ра́дуйся, я́ко све́том невеще́ственным ду́ши
просвеща́еши; ра́дуйся, я́ко заблуждших на пу́ть
исти́ны наста́вляеши.

Ра́дуйся, пред Престо́лом Госпо́дним лампа́до
неугаси́мая; ра́дуйся, озари́вшая всю́ вселе́нную
све́том по́двига твоего́.

Ра́дуйся, всесве́тлая, благода́тию, я́ко ри́зою
све́та, облече́нная; ра́дуйся, Три́сианным све́том
озаре́нная.

Ра́дуйся, свеще́, Бо́гом возжже́нная; ра́дуйся,
я́ко зри́ши ны́не све́т неизрече́нный.

Ра́дуйся, вели́комучени́це Мари́но, невесто́
Христо́ва всехва́льная.

Конда́к 12

Благода́тию исполня́ется оби́тель Ватопе́дская,
иму́щи сокрови́ще неоску́дное, десни́цу твою́,
вели́комучени́це Мари́но, от нея́же ми́ро

Боже́ственное исцелéний ми́ру источáется, и отгоня́ются дéмонстии полцы́ призывáвшем и́мене твоего́ свята́го. Тёмже и нáс, пáмять твою́ свéтло прáзднующих, благодáти испóлни моли́твами твои́ми, да воспóем вкúпе со святогóрцы чудéс подáтелю Бóгу: Аллилу́ия.

И́кос 12

Пою́ще Бóга, дивна́го во свята́х Свои́х, ублажа́ем тя́, неvéсто Христо́ва и великомúченице Мари́но, почита́ем страда́ния тво́я, сла́вим долготерпéние и непобедíмое мúжество, хва́лим мúченическую кончи́ну твою́. Ты́ бо на земли́ си́лою Бóжиею победи́ла еси́ сатану́, явля́шагося пред очима́ твои́ма, ны́не же, предстоя́щи Престо́лу Царя́ Сла́вы, моли́ся о нáс, да изба́вит Господь от дéйства дива́вольскаго и от вся́ких бéд чту́щих святу́ю пáмять твою́ и воспева́ющих си́це:

Ра́дуйся, благодáтию Бóжиею просла́вленная; ра́дуйся, в дому́ Отца́ Небéснаго обите́ль себе́ сотвори́вшая.

Ра́дуйся, Христу́, Жениху́ твоему́, спострада́вшая; ра́дуйся, блаже́нства свята́х удостоéнная.

Ра́дуйся, де́в христиа́нских украше́ние;
ра́дуйся, го́рняго ми́ра досто́йная
обита́тельница.

Ра́дуйся, испове́днице ве́ры во Христа́
неу́страши́мая; ра́дуйся, с му́ченики и все́ми
святы́ми ликовству́ющая.

Ра́дуйся, уго́днице Бо́жия, жити́ю вели́ких
святы́х соприча́стнице; ра́дуйся, я́ко со все́ми
избра́нными Бо́жиими при́сно торже́ствуеши.

Ра́дуйся, на Небеси́ со дерзнове́нием Бо́гу
предстоя́щая; ра́дуйся, дивна́я все́м
право́славным христиа́ном помо́щнице.

Ра́дуйся, вели́комученице Мари́но, неvéсто
Христо́ва всехва́льная.

Конда́к 13

Опредивна́я и чи́стая голу́бице, свята́я
вели́комученице Мари́но, неvéсто Христо́ва
всехва́льная, приими́ си́е ма́лое моле́ние от
любя́щих тя́ и благоприя́тными тво́ими к Бо́гу
моли́твами от вра́г ви́димых и неви́димых
изба́ви, от вся́ких боле́зней душе́вных и
теле́сных свобо́ди и от ве́чнаго муче́ния тво́им
хода́тайством сохрани́, да сподо́бимся с тобо́ю в
ра́йских селе́ниях воспева́ти Бо́гу победную́
пе́снь: Аллилу́ия.

Этот конда́к читается трижды, затем и́кос 1-й и конда́к 1-й.

Моли́тва

Освятáя дéво и великомúченице Мари́но, и́стинная Жениха́ твоего́ Христа́ неvéсто, во граде Антиохии за véру Христо́ву пострада́вшая, сквозé о́гнь и во́ду прошéдшая и в Цáрствии Небéсном водворившаяся! Ты́ от юности́ всею́ душе́ю и все́м сёрдцем возлюби́ла еси́ Христа́, Бо́га нашего́, Тому́ еди́ному послужи́ти жела́ющи. Ты́ си́лою благоче́стия своего́, целомúдрием и пра́ведностию просия́ла еси́, поживши́ свято́ и непоро́чно посреде́ неверных. Ты́, благода́тию Бо́жиею от ран дивно́ исцелённая, изуми́ла еси́ мучи́телей твои́х и мно́гих неверных привела́ еси́ к познáнию И́стиннаго Бо́га. Ты́ си́лою Бо́жиею попра́ла еси́ диа́вола, явля́шагося пред очима́ твоима́, и благода́ть прия́ла еси́ во бра́ни врага́ ро́да челове́ческаго побежда́ти. Ты́ еси́ всея́ Цёркве Христо́вы свети́льник пресве́тлый, тёплая к Бо́гу моли́твенница и все́м прибега́ющим к тебе́ с véрою ско́рая засту́пница. О святáя Мари́но, руководи́ нас к Небéсному Оте́честву, пода́ждь нам ре́вность о спасéнии, напра́ви стопы́ наша́ к дéланию за́поведей Христо́вых, на пу́ть по́двига

духовнаго и исправления жизни. Поминай нас молитвою твоєю, помози всем нам жити целомудренно, праведно и благочестиво. Услыши ны, страстотерпице Христова, и умоли Человеколюбца Бога, да подаст Он ходатайством твоим Отчеству нашему мир и благоустройство, всем православным христианом утверждение в вере, благочестии и чистоте, да укрепит в нас братскую любовь, да очистит нас, грешных, от скверны и пороков, да сохранит нас от действия вражия, и помилует Своєю благодатию, и Царствия Небеснаго наследники соделает, идеже купно с тобою прославим дивнаго во святых Своих Бога, Отца и Сына и Святаго Духа, всегда, ныне и присно, и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
* НЕБО